

左恪靖侯奏稿續編

恪齋稿續編卷三十二目錄

攻破金積東關巨巢連克寨壘摺

所成器變叛後畏罪自戕片

黃萬友病故請

賜諡議卹附祀片

合圍金積老巢首逆被創摺

中路護運截剿竄回片

楊世俊迎剿河州竄回獲勝片

湘軍月餉懸欠甚鉅請

飭兩江添協二解片

攻破金積東關巨巢連克秦壘摺

奏爲官軍會剿陝甘逆回攻破金積東關巨巢連克秦壘迭獲大勝恭摺馳陳仰祈

聖鑒事竊北路中路各軍捷狀臣已於八月二十四日分別陳奏維時劉錦棠軍進駐東南李花橋金運昌軍進駐正北蔡橋七月初十日三鼓金運昌派隊襲秦渠迤北賊卡提督方庭芝所部直薄卡前參將董布亮王廣越遊擊何文繼豎梯先登士卒繼之守賊驚覺憑牆死拒守備龔心明抄過卡西藥包擲落卡內火起數丈

燒斃卡賊多名各營從卡北乘機撲入克之西南秦壩  
關丁韓各寨賊出援經金運昌督總兵張懷玉副將王  
化成高得勝等分路截擊均敗遁回巢初一日黎明金  
運昌之軍攻正西韓寨破毗連韓寨二小壘賊登時驚  
潰提督王鳳鳴馬隊掩之河干擒斬過半乘勝越秦渠  
衝入西南各賊卡弁勇奮厲無前遇賊卽斫守賊紛紛  
鼠竄是時劉錦棠合雙壩隊伍擊賊李花橋西將散布  
各莊內外賊眾一律殲除正會同金運昌馬步併力蹣  
跚追剿見金積堡突出悍賊應援官軍頓旂待之援賊

喉敗賊合勢回撲劉錦棠當左路金運昌當右路麾隊奮擊賊大潰劉錦棠縱馬步躡過馬連渠金運昌之兵躡近金積西北寨根克秦渠水口兩賊卡而遠是役共斃賊千三百餘名生擒賊九十餘名奪鎗械三百四十餘件弁勇陣亡二十名受傷至一百九十九名之多此七月三十夜八月初一日劉錦棠金運昌雙壽各軍攻克金積西南寨卡剿敗援賊大獲勝仗實在情形也初二日劉錦棠金運昌會商緣蔡橋溯秦渠而西賊壘鱗次非合力攻拔不能逕薄秦壩關也比令馬步進隊賊

見官軍雲集棄壘狂遁雙壽余虎恩等縱馬蹙殺秦壘關之西突出騎賊數百劉錦棠整隊截之訊所擒生賊知卽中路黃鼎諸軍自古靈州剿敗東奔者嗣是各軍日割刈秦壘關一帶秋稼賊踞伏不出初四夜金運昌率提督宋朝如張懷玉選壯士攜鋤鍤襲秦園堡迤西之大河家寨環攻至初五日黎明金運昌按隊稍憩力扼東南堡門賊從堡內鑿小竇遁出西北官軍佯爲不知俟賊出漸多縱馬步猛抄之得跳免者無幾軍士乘勢劈寨門入見守賊之經鎗破斃者屍骸枕藉據生賊

供逆目何一會已伏誅堡內矣同時劉錦棠雙壽出隊  
越山水溝槍割胡家堡之麥王洪等寨出悍賊救護官  
軍亦有斬馘劉錦棠回營得中路各軍徑逼洪樂堡之  
信卽繞赴雷正綰黃鼎營中會商不先奪秦壩關無以  
聯絡西北官軍營壘而斷馬家灘接濟金積賊糧之路  
十二日劉錦棠金運昌雙壽所部直指秦壩關金積賊  
眾悉銳抗拒官軍分中左右三路緣秦渠直上奮威衝  
擊鎗轟矛刺賊勢披靡官軍馬步緊躡至秦壩關西南  
近石屹塔黃鼎雷正綰徐文秀整隊接應賊狂奔四散

劉錦棠連環收隊賊復糾馬步回撲二里許提督陶定昇譚拔萃易致中喻執益周國勝等合雙壽馬隊賈勇殿後賊不敢近復撲金運昌隊伍金運昌沿波浪渠返施而西與劉錦棠所部夾擊之賊奔回金積而秦塢關仍未能下計各戰轟斃刺斃之賊七百有奇據生賊供陝回余彥祿之弟偽副帥余彥喜十二日與官軍戰敗而復前中礮落馬斃於陣連日官軍弁勇陣亡六名受傷九十餘名此劉錦棠金運昌雙壽各軍八月初二至十二日攻克金積西北寨壘勦賊獲勝逆目伏誅實在



情形也劉錦棠七月二十七日築壘金積堡東逆首烏  
化澁畏官軍之逼復於堡東添築卡壘喉嚨死拒十三  
日黎明徐文秀派遊擊鄧增等帶後膛開花大礮螺絲  
礮合劉錦棠雙壽馬步進攻甫抵賊壘金積援賊傾巢  
而出劉錦棠分兵列陣堵之專用大礮攻壘壘牆洞穿  
賊眾稍亂軍士直薄壘前擲草填壕而上守賊木石齊  
下援賊亦合勢撲來提督蕭章開何作霖等督隊擊援  
賊敗之雙壽余虎恩軍功董福祥馬步旋踏平壘北賊  
卡提督李占椿李雲貴陶定昇易致中乘勝率弁勇緣

壘牆礮眼狹附而登守賊拚拒格鬪逾時乃悉就戮據  
生賊供官軍大礮子落壘中斃傷賊數十名眾懼思遁  
馬化澂三次傳僞令堅守逆目楊洪杰梁惠一亦死拒  
不退壘破始伏誅訊畢斬之立派隊駐其壘十四日金  
積賊巢悉眾撲犯經官軍田雞劈山礮竟日環轟而退  
十七日劉錦棠赴黃鼎徐文秀營中計事見金積賊出  
排列西北三里許比飛調步隊分兩路進剿雙壽率營  
總吳俊花良阿合余虎恩等馬隊爲左右翼鏖戰正酣  
金運昌聞礮聲大震率隊踵至併力壓剿賊大敗歸巢

各戰斃賊七百數十名生擒三十餘名抬旂幟器械甚夥官軍弁勇共陣亡三十六名受傷一百四十六名此劉錦棠金運昌雙壽各軍八月十三至十七日攻克金積東西卡壘勦賊獲勝逆日伏誅實在情形也金積堡東門迤北統呼爲東關列屢鏖次去歲官軍大捷吳忠堡時陝回眷屬盡徙居關內關外築堅寨斜築甬道護之自十三日劉錦棠所部連破賊壘進駐之後距東關賊寨僅百步十七夜劉錦棠令軍士銜枚襲之寨賊驚覺鳴角放鎗金積悍賊蜂起抗敵劉錦棠伏兵寨西南

護築礮壘以大枝隊伍擊援賊火器併發夜明如晝相  
持至五鼓援賊悉數敗遁而礮壘亦成劉錦棠選銳卒  
攻寨間以開花礮測淮礮之十八日天明金運昌隊伍  
齊至聲勢益壯午初寨牆經大礮轟裂守賊慌亂軍士  
乘機猛進克其外卡遂從寨牆缺口躍入拔之寨中包  
裹無數小寨守賊自量不支或墜牆而下或開壁狂奔  
雙壽余虎恩何作霖知州李樹棠副將郭宗儀都司陳  
宗蕃等正攔途遮截金積各寨之賊復冒死來援金運  
昌合提督尹興茂等力扼之援賊縮退劉錦棠催隊蹙

各小寨敗賊跟踪搶入東關關內賊眾憑街日死鬪軍  
士短兵巷戰馬隊抄過東關之北賊眾失措乃護眷循  
金積寨東狂遁而南輜重拋棄滿道官軍立將關外寨  
卡二十三座次第踏毀焚關內鋪屋三四千所十九日  
調陝回護逆眷敗踞金積南門牆根與正南李花橋迤  
西賊寨爲犄角二十日黎明劉錦棠金運昌雙壽會師  
進紉行過李花橋陝甘逆眾廝集各莊寨排列官軍步  
隊分數路布壘陣如牆而進馬隊稍取遠勢抄之衝殺  
里許步賊仍返旂死拒騎賊亦下馬回撲益陝回方護

眷從西門故喉悍黨斷後也何作霖方庭芝花良阿等  
揮刀斫陣斃悍賊多名賊始敗潰軍士乘勢攻拔各寨  
卡自是金積東南北三面蠃穴掃平劉錦棠壓東關而  
壘俯囑金積老巢各戰共斃陝甘回逆四千有奇生擒  
三百九十餘名陣斬逆目馬萬成馬雲程馬占德馬玉  
堃余老二陳喜等奪戰馬騾驢牛羊六百數十頭拾拍  
小鎗旂幟刀矛棚帳二千數百件連日各軍共陣亡二  
百名受傷至六百九十七名之多攻堅血戰之苦如此  
此八月十八二十等日劉錦棠金運昌雙壽各軍剿敗

陝甘逆回連克寨壘攻破金積東關迭獲大勝逆目伏  
誅實在情形也中路雷正綰黃鼎徐文秀諸軍自八月  
初四日連克金積西路漢渠內外賊寨逕逼洪樂堡賊  
黨連日增築卡壘於田家橋石屹塔與老馬家丁家各  
堡聯成一片爲堅護洪樂死抗官軍之計洪樂堡者逆  
首馬化澂祖墳所在俗傳風水有異者也雷正綰黃鼎  
會商必先破老馬家各堡而後可專攻洪樂初八日徐  
文秀合提督徐占彪總兵陳春萬蕭寶林參將朱蘭亭  
所部合圍老馬家堡攻一晝一夜連放後膛開花大礮

堡牆轟裂丈餘軍士乘機猛撲平其外壕守賊憑堡放鎗力扼堡牆缺口相持至初九日洪樂各堡賊眾遽起赴援黃鼎督總兵何玉超黃虎臣遊擊李登高等從米姑寺一帶逕襲洪樂之虛雷正紹督總兵劉治均副將李廣珠遊擊陳天壽外委吳元璋馬步隨後策應洪樂援賊見官軍直搗其巢悉入堡內拒守總兵陳攀仙趙興隆隊伍跟踪躡殺何玉超都司李洪超等繼之瞭見金積塵氛大起援賊兩路抄來洪樂堡敗賊亦回頭死關鎗礮三面對轟各營勢幾不支黃鼎急令黃虎臣率



陟橫貫賊陣接應趙興隆遊擊楊真山之兵雷正綰令  
馬隊下馬持矛合步軍併力衝殺徐文秀亦派遊擊陳  
緯高部眾從老馬家之旁截援賊右路各軍士奮威歷  
剿賊眾大潰鼠竄歸巢老馬家堡之賊見外援已絕堡  
寨垂危勢甚慌亂徐文秀誦寶林執旗先登徐占彪等  
一齊躍上拔之盡殲堡賊無一脫者初十日天明各軍  
進石屹塔平賊壘三座就地割刈秋稼殆盡徐文秀率  
隊駐之自是旁秦渠沿黃流迤北達金蓮昌營壘聲息  
以通十二日金積秦壩各堡賊眾紛紛東竄雷正綰黃

鼎徐文秀方督所部分道攔截后屹塔一帶適劉錦棠  
金運昌大隊自東壓剿而西兩面抄擊斬馘極多十三  
日黃鼎派提督黃有忠逼田家橋賊壘而營十六日各  
軍併力攻之黃鼎徐文秀列隊防援賊謂正綰一軍爲  
前驅黃有忠護大礮對賊壘緊轟裂其牆垣雷正綰督  
李廣珠陳天壽千總胡起雲一齊躍入立拔其壘守賊  
有墮牆遁者官軍正內外抄殺金積洪樂各堡大股援  
賊陷至矣黃鼎督徐占彪等擊洪樂之賊徐文秀督副  
將彭清和等擊金積之賊屢戰逾時蕭寶林躍馬斬陣

軍士競奮短兵相接銳不可當兩路援賊大潰黃鼎麾  
軍撲門家橋毗連各賊壘陳春萬黃有忠黃志元帶隊  
平壕冒險力攻克之十七日黃鼎進軍田家橋馬化澹  
復遣其弟馬玉隆陝回西彌頭目晉洱馬阿洪仍赴黃  
鼎軍前哀詞乞撫黃鼎諭令先繳馬械毀平堡寨馬化  
澹求官軍暫退峽口黃鼎不許連日金積堡外賊眾悉  
趨西門其向滾泉羅山竄遁者黃鼎令駐韋州滾泉馬  
家河灣各軍截之疊有擒斬二十三日派徐占彪潛師  
夜起擣洪樂堡前兩小堡拔之斃悍賊二百餘名通計

八月初八至二十三日各戰擒斬賊數近三千名破老  
馬家堡時斬逆目馬伏降搜獲賊糧二百餘石驟馬百  
餘頭克田家橋賊壘時逆目馬洪智伏誅察軍共傷亡  
二百數十名營官何玉超中鎗傷子透小腹李洪聚楊  
子穿左股陳春萬頭顱中石塊傷陷寸許幫辦李金貴  
鎗傷腦頂此黃鼎雷正綰徐文秀各軍進剿西路逆回  
連克寨壘擊敗援賊壘獲大勝逆目伏誅實在情形也  
現接各營探稟九月初二日洪樂堡已經中路布軍克  
復賊悉敗遁金積堡容俟續報臣復調記名提督王衍

慶帶臣親兵解運大礮前往助剿冀可迅速戡事此次  
各軍陣亡之記名總兵趙昌元鄒高山總兵銜副將李  
際盛參將黃文理參將銜遊擊徐上立遊擊楊克升都  
司毛金山向家聲陳鳳翔守備畢占超丁國珍千總陳  
洪慶李廣義陳延年把總王明忠張萬福鄧懷章楚登  
朝劉爲功劉大海王瑞林馬德銜劉學光陳應和外委  
周得魁常克勤均係衝鋒陷陣血戰捐軀應懇  
天恩飭部各照所保官階從優議給  
卹典以慰忠魂謹據實馳陳伏乞

皇太后

皇上聖鑒訓示施行謹

奏同治九年九月二十日

石成器變叛後畏罪自戕片

再石成器所部懷義軍上年由肅州潰退經前署督臣  
穆圖善派員赴涼州收撫委現署涼州鎮總兵王仁和  
統帶臣宗棠復派三品頂戴甘肅卽補道蕭宗幹西甯  
鎮總兵黃武賢前赴涼州會同王仁和妥籌安插嗣經  
蕭宗幹等點驗併成七營適值威遠告警穆圖善調遊

擊唐有彥三營援之副將馬步陞遊擊張賢兩營分守永昌縣城王仁和比因靖遠糧運緊要飭石成器於永昌營內復撥勇丁防護五月二十四日石成器派翟占元持檄調張賢所部右營赴靖遠翟占元到永昌潛煽該營勇丁趙元杰等爲亂哨弁霍玉林苟建蓉彭寶忠發其奸張賢聞變飭所部毋妄動會同馬步陞署永昌協常守仁代理永昌縣張世基分布兵團防縣城時翟占元趙元杰已喊左營勇丁乘夜竊發譟譟達旦馬步陞督哨弁郭守清等禦之鎗斃叛卒十數名擒趙元杰

常守仁斬之張世基亦分帶營兵獵勇兩面堵擊叛卒不支斬關而遁王仁和得報督馬步截之岷山堡擒斬叛卒三四十名比因石成器軍心已離虞其聚則爲害因令其駐涼郡四營赴大靖土門兔窩護通道石成器延不成行六月初五夜石成器忽勒眾走碾伯縣營官都司尹天祥趙希祿傅永昌不從告變於王仁和石成器知事已敗露卽脅親兵數百搜括附近居民牲畜疾馳而東王仁和追及之石成器已率馬步二百餘前行餘眾落後拋戈伏地訴爲石成器脅得祿所偏非敢叛



逃王仁和察其情詞真切釋令歸伍仍循古浪大路追  
石成器臣接王仁和報比咨行西路各軍營及地方官  
一體嚴緝嗣據各營稟報石成器於十二日戌刻抵威  
遠威遠都司靳聯科等閉關扼之石成器旋混入唐有  
彥營中十五日辰刻忽舉洋鎗自轟立卽斃命知縣沈  
發祥驗明確實臣接准西甯辦事大臣豫師來咨及碾  
伯威遠涼州文武稟報相同比飭黃武賢前往統帶唐  
有彥三營收輯殘潰各卒酌量安撫其原駐涼州永昌  
未潰之勇卽由肅宗幹會同王仁和裁併實數仍歸王

仁和鈴制擇地分紮竊維石成器已保花翎遊擊蒙

恩賞給奮勇巴圖魯名號統帶懷義各營自蕭州率眾  
東潰罪已難追王仁和等收輯成營仍令統帶月需鹽  
菜火食銀兩均經蕭宗幹隨時支給原冀其戴罪圖功  
自贖由予保全不料其狂悖性成一至於此臣聞各處  
稟報石成器自知罪戾已深難邀寬宥近時常形憂悸  
狀似喪心此次畏眾潛逃弁勇不肯附和遂自礮斃雖  
由病狂所至實亦天道之常至案內在逃之程占元卽  
朱大帥喬得祿卽喬麻子鬼生桂張發燁朱文明均係

懷義營內首先倡亂要犯業由臣通行西路各軍營州縣嚴緝獲案以憑懲辦此次事起倉卒各營哨官有深明順逆保全危局者有平時約束不嚴臨事防範不力者功罪不可不明容臣分別辦理以明賞罰石成器叛迹未露之前管帶懷義衛隊左營都司張學泰王仁和檄赴噶梁堡駐防張學正遵調拔營石成器猜忌頓生擅行殺害情實可憫應請

天恩俯卹照所保官階議

卹以慰幽魂謹附片具陳伏乞

聖鑒訓示施行謹

奏同治九年九月二十日

軍機大臣 字寄同治九年九月二十八日奉

上諭左宗棠奏官軍攻破金積東關賊巢並克寧靈獲  
勝一摺金積堡踞匪於本年七月以來經左宗棠飭令  
劉錦棠等分路進攻次第克復西南西北東西賊寨並  
將金積堡東關攻破中路雷正綽等軍進剿西路賊匪  
立將洪樂堡攻克該逆悉敗退金積堡暫左宗棠飭令  
提督王衍慶會同劉錦棠黃鼎各軍乘勝進攻迅速收

復合營堡務將竄踞賊匪悉數殲除不得久稽時日陣  
亡之總兵趙昌元鄒高山總兵銜副將李際盛參將黃  
文理參將銜遊擊徐上立遊擊楊克升都司毛金山河  
家聲陳鳳翔守備畢占超丁國珍千總陳洪慶李廣義  
陳延年把總王明忠張萬福鄧懷章楚登朝劉建切劉  
大海王瑞林馬德衛劉學光陳應和外委周得魁常克  
勤均著交部各照所保官階從優議卹另片奏石成器  
裹眾潛逃畏罪自斃實足以昭默戮在逃之翟占元等  
係首先倡亂之犯該大臣務當飭令西路各軍及地方

州縣嚴行緝拏務獲懲辦毋任漏網其管帶各員是否防範不力並密查明分別辦理唐有彥所部潰卒務飭黃武賢妥爲安撫涼州永昌未潰之勇左宗棠已令蕭宗幹等裁併實數統歸王仁和鈐制卽著擇粟分贍毋令滋生事端遇害之都司張學著交部照所保官卹議卹將此由六百里諭令知之欽此

黃萬友病故請

賜諡議卹附祀片

再幫辦湘軍軍務頭品頂戴記名提督瑚松額巴圖魯黃萬友由湖南湘鄉勇丁從征轉戰湖南湖北江西廣

東福建江南河南陝西山西直隸山東等省蕩平髮捻  
各逆積功薦保今職上年秋間劉松山率師度隴派黃  
萬友率步隊五營分駐甯條梁安邊定邊花馬池一帶  
轉運糧餉軍火時回逆被勦分竄擾劫運道該提督不  
辭勞瘁設法飛輓卒保無虞九月間劉松山因前敵攻  
剿喫緊檄率所部助戰隨同克復靈州連破大小賊堡  
數十處迨劉松山由吳忠進規金積黃萬友駐軍靈州  
設賑濟輯流亡災民賴以全活本年正月劉松山陣亡  
道員劉錦棠奉

旨總統全軍黃萬友奉

命幫辦該軍軍務該提督悉心贊畫戰必身先迭著奇捷均經臣隨時陳奏不料操勞過度傷疾並發延於八月初七日在營次身故臣維黃萬友與已故廣東陸路提督劉松山同爲

賜諡壯武已故道員王鑫舊部爲人沈毅樸厚深得軍心爲臣所素知茲值戎機順利而該提督一病不起實堪悼惜克復靈州案內臣擬爲黃萬友奏請

賞給正一品封典合無仰懇



天恩賞給正一品封典照提督在軍營立功後病故例  
從優議卹

加恩予諡並准附祀劉松山原籍及死事地方專祠以  
慰忠魂謹附片具陳伏乞

聖鑒訓示施行謹

奏同治九年九月二十日

軍機大臣 字寄同治九年九月二十一日奉

上諭陝甘回匪滋事以來朝廷軫念西陲大伸撻伐特命左宗棠爲欽差大臣督兵勦賊厚集兵力寬予限期計每歲撥用餉銀不下八百餘萬兩該大臣於行軍籌餉事宜有所陳奏無不立見施行倚畀不爲不重乃自抵甘以後雖據疊報勝仗總未能痛掃賊氛致金積堡一隅之地至今日久未下逆首稽誅軍務安有了期竭東南數省脂膏以供西征軍實似此年復一年費此鉅帑豈能日久支持該大臣捫心自問其何以對朝廷卽

書左宗棠振刷精神嚴檄各軍實力剿辦該大成前奏  
金積堡賊勢已蹙似不日即可攻克北路肅清後河狄  
一帶賊踪亦宜以次殲除務當剋期蒞事毋得再事遷  
延致干咎戾將此由六百里諭令知之欽此

合圍金積老巢首逆被創摺

奏爲官軍會剿逆回連克寨壘迭獲大勝現在合圍金積老巢首逆被創恭摺馳陳仰祈

聖鑒事竊北路各軍八月二十日以前中路各軍二十三日以前戰狀臣已於九月二十日陳奏八月二十一日劉錦棠金運昌會商金積東關既克當掘壕築牆鎖圍困之沿軍由東北起掘東南兩面金運昌軍由東北起掘正北面二十四日黎明金運昌率所部與工西北出回眾千餘蜂擁來撲金運昌當派隊伍三成一面掘

壕飭副將王化成邵升堂提督方庭芝參將藍布亮各率所部隊伍七成從左在抄入賊陣飭總兵張懷玉副將高得勝守備龔心明等奮勇直前斃悍賊七十餘名賊猶抗拒劉錦棠得信飛派隊伍徑由南門外出西門截之賊始潰退入堡午刻壕深數尺矣回眾復出人隊約二千餘攜帶鐵鋤器具而前意圖拆死填壕分股搗戰金運昌乘其分布未完飭各營停工一齊猛進銳不可當斬首百餘鏖戰一時之久賊乃大敗我軍追至西門收隊而還陣亡勇丁六名受傷二十餘名而已二十

五日五鼓金連昌預挑精銳伏壕牆內靜以待之飭勇  
夫揮鋤修堀該逆登牆睥睨謂我軍無備也馬步賊千  
數百名蜂擁而來勇夫棄鋤佯遁誘近壕邊伏兵突起  
刀矛並舉鎗礮排轟賊即敗退已革總兵胡國龍率所  
部衝出追之計轟斃殺斃之賊三百二十名餘眾遁  
入堡內據生擒賊供認壕外死屍有余彥祿胞弟余彥  
壽馬正和股內頭目馬光貝暨甘回頭目數名等語訊  
畢斬之先是吳忠堡境內尙存永甯洞馬家兩寨一名  
馬家雙桅桿一名油坊寨春間馬化隆決斷秦渠淹灌

官軍劉錦棠開溝導水波浪湖下永甯洞該兩寨地勢較低周圍積水甚深賊得以小船渡洋麻湖與洋麻湖回逆潛通聲息官軍阻水不克往攻也七月間中路各軍奪回峽口堵遏秦渠水源該兩寨積水日漸消涸二十七日劉錦棠傳令駐吳忠堡之統帶董宇營軍功董福祥乘夜襲之是夜四更董福祥率軍功張俊李雙良出隊五成攜帶梯牌銜枚疾走直抵雙桅桿寨下回窺酣睡未覺董福祥等率死士悄登立斬坐更賊三名各勇蟻附而上火器齊發回逆夢中驚起倉皇失措登時

殺斃數十名餘賊約數十名及寨頭馬重生墮牆而下  
入油坊寨死守如故二十九日劉錦棠復派提督譚上  
連都司陳宗蕃等馬步往攻黎明馳抵寨下連發噴筒  
火箭轟之適寨內火藥被燃震倒寨牆二三丈譚上連  
等乘勢衝入寨賊二百餘名搜殺無遺擒回目馬重生  
馬金元併斬之計勇丁陣亡七名受傷四十七名是時  
兩軍所掘之壕已深至丈餘寬至二人壕上之牆亦累  
高入尺餘矣劉錦棠金運昌乃各派所部憑壕牆分段  
以守九月初一日劉錦棠金運昌雙壽等商議陝回自



東南北三面卡寨全破後支帳金積堡西門外以悍賊  
護之宜會隊進勦初二日五鼓潛師夜起劉錦棠率馬  
步各營會同雙壽統帶吉林馬隊銜枚疾馳沿馬連渠  
直上金積西南三里許卽分飭提督何作霖王承贊知  
州李樹棠等率所部進左提督羅照陞朱德開周國勝  
參將潘鳳祥率所部進右其餘各營潛伏渠旁雙壽率  
營總吳俊花良阿與提督余虎恩熊有常周雲祥譚上  
連都司陳宗蕃副將郭宗儀等各率馬隊進左路之左  
以備抄殺金運昌親督張懷玉高得勝龔心明郭占元

馬步於五更時出隊接應黎明何作霖等巡薄西門鎗  
礮齊轟火彈噴筒一時迸發頃刻煙燄漫天火光紛起  
回眾驚呼倉皇四竄步軍衝入賊中刀斫矛刺馬隊兩  
旁抄殺無一漏網計焚斃殺斃之賊不下千餘奪獲騾  
馬器械輜重不計其數正在搜殺間金積堡鎗礮紛注  
如雨甘回絕牆下撲者紛紛勢甚兇猛各營且擊且收  
賊殊死鬪劉錦棠飛令潛伏渠旁之提督尹興茂李占  
椿喻執益陶定昇易致中譚拔萃各率所部分兩路衝  
出接應殺斃悍賊甚多賊稍卻退於時關外卡中各賊

突出數百繞出湘軍之後金運昌督隊迎擊立斃悍賊  
三百餘名賊甫敗潰忽金運昌帶傷墜馬賊復率黨回  
撲張懷玉高得勝率所部橫截而出將賊擊退忽洪樂  
堡連東又出騎賊一支抄過馬連渠而南金積南門出  
步賊一大支直犯正南其勢甚銳雙壽余虎恩等見之  
飛馬迎擊馬連渠之賊軍功基福祥張俊李雙良提督  
蕭璋開李雲貴等率所部徑趨正南接戰雷正綰黃鼎  
各軍急馳出洪樂堡前以掣賊勢賊見官軍勢勝仍即  
敗退是役各軍共斃賊一千數百名生擒賊百餘名訊

明正法而營官苗福祥頭受鎗子傷從腦後穿出周國  
勝左腿骨爲鎗子擊斷洲軍弁丁陣亡至二十二名受  
傷至七十五名卓軍陣亡七名受傷至四十八名蓋血  
戰也初四日劉錦棠親至南路晤商黃鼎徐文秀定議  
合成鎖圍湘軍於金積正南右軍右旗之西再築兩營  
扼金積西南雷正綰黃鼎徐文秀中路各軍圍洪樂堡  
分營東向西修壘掘壕以期聯絡一氣初五日巳刻雨  
後劉錦棠正傳令出隊修壘忽右軍右旗李雲貴專馬  
飛報金積回逆悉數西趨徑撲中路各軍劉錦棠聞知

一面帶隊馳往策應一面知會卓軍金運昌裏創上馬率所部由左路進飭王化成方庭芝等率所部排列陣後以截金積援賊時劉錦棠所部已由右營進馬連渠之南何作霖王承贊李樹棠各營已進渠之北余虎恩熊有常陳宗蕃馬隊已排列於王化成等之旁賊見前後皆官軍胸縮不前甫正紹黃鼎徐文秀率各軍乘勢壓之湘卓兩軍馬步夾擊斃賊約二三百名餘眾遁入西關是日湘軍營官陳宗蕃左脇受鎗子傷由後脇穿出弁勇陣亡三名受傷十七名卓軍勇丁受傷五名初

六七八等日賊伏巢不出劉錦棠得一意修壘中路各軍亦趕緊修掘壕塹漸可與湘卓兩軍聯接回眾見官軍日逼惶懼益甚十二日黃鼎徐文秀等正督所部移營進紮逆回忽出大股來犯劉錦棠金運昌率馬步各營馳往奮擊分統提督方庭芝鎗子傷腮營官李樹棠矛傷領頰潘鳳翔肩甲受鎗子擊穿劉錦棠金運昌督隊鏖戰斃賊三百餘名賊又縮入堡內共計勇丁受傷者九十餘名陣亡者二十四名訊據逃出難民供稱陝回急謀竄走劉錦棠金運昌令各營以五成隊站守長

壕每夜躬親查閱十三夜四鼓回逆循金積堡南折趨東南撲近長壕各營發礮轟擊該逆卻退旋聞西面鎗礮更緊比派弁偵之報稱陝回二千餘人由西面衝出時天色未明劉錦棠金蓮昌一面派騎馳追一面派隊先攻余彥祿賊堡一鼓克之辰刻追騎回營據稱追行十餘里見人馬蹤跡折轉正南沿山腳東竄獲落後回逆七名回營訊據供稱陝回馬步約一千數百人歸余彥祿帶領擬赴王洪寨一帶索糧仍回金積堡陳林因傷重未去訊畢斬之十五日黎明陝回果回竄金積正

東馬賊約七八百步賊不滿千人維時金積甘回紛紛  
出巢撲近東南正東長壕希圖內外夾攻使我腹背受  
敵劉錦棠飛飭各營憑壕布陣排開鎗礮轟之親率四  
營會合金運昌所部兩營迎頭猛擊斃悍賊數百名官  
軍陣亡九名受傷三十八名躡追八里許至漢伯堡沿  
途賊屍枕藉餘賊循堡腳奔洋麻湖而去其金積出巢  
之回經各營連環轟擊亦敗退劉錦棠金運昌等會商  
以正洪楊明棗園三堡與漢伯堡狼狽相依皆在官軍  
長壕之外不極力攻克足爲官軍肘腋患十六日各派



步隊分左右擊之派馬隊分列以防溢出之賊劉錦棠親督中軍專用螺絲礮擊其正中連開二十餘礮斃賊甚多壯士奮撲城邊牆上矢石雨注屢卻屢前陣亡二十三名受傷七十二名環攻一日三堡仍未下也是夜別派馬步潛伏堡旁賊之潛出者皆被官軍擒斬十七日劉錦棠督所部於長壕之外復掘重壕以禦外賊一面約黃鼎徐文秀會攻漢伯堡十八日各軍猛攻數時因漢伯堡三面阻水賊眾負牆列陣雖轟斃不少而兇殺未衰午後撤隊由東北攻棗園堡三寨布陣丁家寨

前開花大子轟塌數垛弁勇徑撲牆下寨中男婦齊拋  
磚石弁勇帶傷顛墜者多卒不得上仍收隊回營劉錦  
棠念功在垂成棄之可惜仍以火器護梯四面環攻適  
有賊數十縋牆而下官軍截擊無得脫者旋擲火包延  
燒前寨柴草寨賊始亂其後寨之賊二百餘乘官軍圍  
攻前寨開壁潛出經官軍斫刺殆盡其逃出寨外者又  
爲金運昌伏兵所殺十九日天明前寨火息入視殘骸  
狼藉復於廢壘中搜出二十餘賊據供賊目丁春已赴  
火自焚矣是役燒斃殺斃之賊約六七百人官軍陣亡

三十五名受傷一百十九名隨掣隊攻馬家寨賊出棚抗拒官軍迎頭痛擊斃賊甚夥收隊而還二十四夜忽報馬家寨賊棄寨而逃劉錦棠金運昌派隊追之及於河濱斬賊數十天明搜寨復於荒茅斷塹中獲逃賊數十殲之東園堡賊乃盡劉錦棠金運昌督隊加修金積堡外重壕圍攻益緊回眾連夜撲壕均經轟斃十月初一日官軍昇開花礮安向東門測准轟擊忽見堡內煙火大起守賊喧嚷甚急不知其故是夜守壕兵因情獲逃出數賊訊供是日辰刻逆首馬化澂登東門城僅修

牆堞忽礮子飛穿樓瓦碎片擊斃五人馬化濫左耳受  
碎片重傷倒地十數人昇歸黃鼎營中獲賊供亦相同  
似該逆被創情形確矣劉錦棠以逆目余彥祿竄出復  
往來漢伯堡王洪堡與各賊合勢漢伯堡地介洋麻湖  
波浪湖之間三面阻水其西北平衍之處溝渠重疊湖  
水灌之劉錦棠數次進攻未能卽拔初二日劉錦棠帶  
馬隊百數十騎往勘地勢擬移數營駐之甫循渠而南  
見賊騎二百餘正迎面而來劉錦棠伏數十騎於廢寨  
中以數十騎向前挑戰賊見官軍馬隊無多縱馬齊衝

劉錦棠撥馬回拒伏兵突起斬騎賊三十餘而奪其馬  
追賊至漢伯堡賊爲溝渠所阻急切不能踰溝復斃落  
後馬二十餘名回營後約雷正綰黃鼎徐文秀會剿初  
三初四兩日大風未果初五日風止劉錦棠雷正綰黃  
鼎徐文秀三路並進雙壽亦率馬隊前來劉錦棠飭提  
督蕭章開何作霖等於要隘分築左右兩壘併修二卡  
各軍列陣營前堡賊倚牆開放排鎗拚死抗拒王洪堡  
賊騎二百餘飛馳來援余虎恩雙壽等率所部躍馬截  
擊陣斬賊七八十名奪馬四十二匹餘賊敗遁午後

壘卡成賊之倚牆列隊者益密官軍以開花大礮連番轟擊悍賊傷亡已多逆目金大川中礮立斃惟寨牆堅厚僅礮埒上截一段而堡外壕塹深闊未可飛越急令礮沙縛草爲填壕之備各營將士分伏壕外伺之二鼓堡賊穴後牆拚死山竄官軍齊起截擊鎗轟矛刺塞滿重塹其得脫者馬隊復截之洋麻湖邊官軍入堡縱火未出之賊亦皆赴火自焚計轟斃殺斃焚斃溺斃之賊約共千數百名婦孺丁壯之亡命倖免者不過百餘而已總計各戰破堡寨十餘斃賊近六千名奪獲騾馬數

百鎗械無數官軍陣亡者一百五十餘名受傷者五百八十餘名此八月二十四日至十月初五日劉錦棠等馬步各軍剿敗陝甘逆回連克堅堡疊獲大勝殲除逆目多名首逆被創之實在情形也中路各軍自八月二十三夜徐占彪攻拔洪樂堡前兩小寨移營填紮後二十五日復率所部後路各營移前築壘陝甘各逆回乘我築壘未成率眾來撲徐文秀俟其近前督總兵蕭寶林副將彭清和游擊陳締高率鎗礮隊連環轟擊斃悍賊二三名賊眾敗卻徐占彪帶隊橫出截之復斃賊百

餘賊仍遁入金積馬化澧以劉錦棠不允其撫也二十四日復遣逆弟馬玉澧普洱阿渾詣黃鼎營乞撫黃鼎諭陝回盡繳馬械甘回先將馬家堡洪樂堡獻出再議該逆不報二十六夜黃鼎令徐占彪黃有忠總兵黃虎臣趙典隆等襲米姑寺賊堡二更後搶入賊卡殺賊數十堡賊驚覺鎗礮齊轟弁丁傷亡十餘名乃就卡築壘逼之二十八日徐文秀派副將鄭守南襲秦壩關附近小壘鄭守南礮傷右足弁丁傷亡三十餘名二十九日馬玉澧等復詣營稱請獻米姑寺兩堡及洪樂堡雷正



綰黃鼎徐文秀自商洪樂堡逼近金積地勢散漫馬家  
丁家譚家十數堡環之官軍勢難分布該逆之不並獻  
馬家堡而專獻洪樂堡者意圖紿官軍共聚洪樂便其  
抄圍隔截俾長圍不能速合也姑漫應之卽夜緘商劉  
錦棠金運昌出隊東南以綴陝回雷正綰黃鼎於九月  
初二日率徐文秀閻定邦蕭寶林移營前進適劉錦棠  
金運昌力攻陝回獲捷遂乘勢移據洪樂堡越日晤商  
劉錦棠定合圍之策初五日黃鼎派黃有忠陳攀仙兩  
營雷正綰派李廣珠一營移紮金積堡西南半里間令

徐占彪朱蘭亭向前列隊護其築壘已刻陝甘各逆回  
馬步萬餘來撲徐占彪朱蘭亭督隊迎擊雷正綰黃鼎  
徐文秀飛飭所部分途策應斃悍賊二百餘名陣斬偽  
元帥鄒麻子賊爲奪氣乘勝追至金積外壕堡上鎗礮  
如雨官軍陣亡者三十餘名帶傷者百餘名朱蘭亭右  
膀中子傷副將張友德參將王宗譜中鎗殞命徐占彪  
傳令收隊該逆復乘勢出撲黃鼎飛調李吉安冷玉超  
率隊禦之雷正綰徐文秀調隊策應劉錦棠金運昌復  
從後抄擊賊遂大敗各軍奮威衝殺斃賊五六百名追

至金積外壕始行收隊雷正綰黃鼎急督各營掘壕修  
壘然丁家馬家譚家等十一堡未克不能與金運昌合  
西北之圍初七夜雷正綰飭提督閻定邦千總胡起雲  
潛師襲之兵分三支各攻一堡堡後各備木梯約堡前  
鎗礮聲緊堡後卽豎梯齊上三鼓閻定邦等各督所部  
分赴堡前排開鎗礮噴筒火前齊施堡中各賊均向堡  
前抵拒不意官軍已由堡後搶入殺聲突起生擒廿回  
頭目丁玉貴丁王洪幾識曰五百名丁家三堡平餘逆  
悉奔馬家堡其附近之廖家三堡亦棄堡而遁陣亡哨

官一員傷亡弁丁十餘名初九日圍攻譚家堡未克傷  
亡幫辦哨官六員弁丁三百餘名雷正綰黃鼎徐文秀  
憤甚冒險督隊狹騰而上短兵相接斃賊二百餘名餘  
賊猶奔聚一隅拚死抵格血戰一時始將堡賊五六百  
名殲除淨盡生擒甘回頭目嚴鼎君嚴洪發莊紅等三  
名斬之時已薄暮雷正綰黃鼎徐文秀令軍士傳餐少  
憩接攻馬家等堡各堡賊見官軍近逼知勢不敵棄堡  
而奔官軍追斬二百餘名惟馬家堡賊穩踞如故雷正  
綰黃鼎徐文秀督隊環攻是時大風捲地軍士順風施

放火器堡內房屋柴草均被延燒人聲鼎沸官軍四面緣梯而上賊潰圍紛竄官軍內搜外勦斃賊約七八百名自是金積西南一帶大小堡寨百餘所乃一律剷除長圍可合矣十二日徐文秀徐占彪復移營進逼金積堡西門雷正綰黃鼎派隊護修營壘午刻金積堡賊傾巢出撲堡上老幼婦女無數齊聲助勢呼號震地徐文秀徐占彪等一面掘壕修壘一面派隊迎擊各軍互相策應斃賊數百賊敗歸巢十三日徐文秀復進前添築一營並擊退出撲之賊是夜四鼓後陝回數千巡撲新

築營壘徐文秀率所部力戰卻之斃賊數百黃鼎派隊  
會追行抵米姑寺河邊該逆正在搶渡官軍從後掩殺  
計淹斃殺斃數百名奪獲驃馬千餘匹生擒百餘名接  
攻秦川關堡及下關寨一鼓克之斃悍賊二百餘名另  
股逆回乘夜由後路後營蜀軍新左營中空壕壘未接  
之地衝出向漢伯堡遁走經劉錦棠募次截剿斃賊數  
百名據擒賊供首逆余彥祿於竄出時受鎗子傷自左  
腮下穿入右耳旁透出旋昇赴王洪堡氣絕黃鼎獲賊  
訊供亦稱余彥祿傷重而斃臣處所遣偵探回民郭黑

狗兒則親見余彥祥受傷甚重所指受傷處所亦同似此賊實已伏誅矣回逆竄至漢伯堡敗後又分起竄逸一由水溝北竄河西一由漢伯南竄羅山預望城一帶經尉牛角城記名提督周紹濂駐固原之署平慶涇道魏光燾截勦臣復飭已革山西臬司陳澍帶馬步五營出固原提督楊世俊帶所部馬步回營道員李耀南出峽口截其竄河州之路另片陳明以清眉目欽此雷正綰黃鼎徐文秀各軍自八月二十五日起九月十八日止攻克堡寨關卡二十餘所擒斬悍目多名殺雞臨絕

焚斃溺斃及生擒逆賊約三千餘名獲騾馬千餘頭軍  
械無算此中路各軍勦賊陝甘逆回連克堡寨迭獲大  
勝殲路逆日實在情形也臣維金積堡城周九里有奇  
東自吳忠以至靈州堡寨共四百五十餘所現僅存王  
洪楊明兩堡西自洪樂老馬家堡以至峽口張恩堡堡  
寨關卡共一百二十餘所現僅存大河中州馬家灘四  
堡餘皆一律掃除劉錦棠一軍自金積東面紮至南面  
金運昌一軍紮北面距逆堡半里許或一里西北徐文  
秀正西黃鼎西南雷正綰延紮營壘距城堡一二里或



三里北與金運昌接南與劉錦棠接掘壕兩道一禦金積堡內寬出之賊一備金積堡外來援之賊壕深不及一丈以其地濱河爲自古積淤所成平地掘三尺則見水不能深也現於牆上累土爲隄台高深計之共二丈餘壕闊二丈勻撥各營晝夜防守正隅各面一律分布鎖圍已成飛走絕迹賊中渠魁馬化澂已被重創穆生花已於七月二十七日晝時疫伏冥誅賊勢衰蹙可想惟金積堡高四丈堡身厚約三丈許堡中有堡爲首逆老巢賊呼爲王城其高厚亦如之中間牆壁縱橫仿大

城包小城式爲之渠水環複尺寸皆堅馬化澹從前詐  
降後一意築掘廣儲鎗礮增險負固蓄謀已久地勢之  
難攻如此自乾隆四十九年馬明心蘇四十三以新教  
煽亂伏誅後根株未淨萌孽全滋至馬化澹而復熾靈  
州士民且謂馬化澹卽蘇四十三之遺孽其詳固不得  
而知然其教輕生好勝兇狡忍鷙較回中老教爲尤甚  
此次官軍逼近馬化澹尙有乞撫之說其黨族則一心  
作賊並不求生堡寨將破時先忍其家屬或擲諸水火  
乃解衣格鬪死而後已其堅悍如此賊中子藥尙多每

攻一堡將日多有傷亡賊中乏糧者雖三分有一而馬  
化澄之族積年所儲猶支數月攻堅歷無善策地道既  
以土薄水淺不能成功開花礮彈卽測准施放炸裂之  
後鐵片質輕又多爲牆壁隔闔勢難透遠臣所購西洋  
普魯社卽布洛斯之義耳礮軍中所稱後膛開花螺絲  
大礮者也其力大有准爲中外所僅見近日攻克各堡  
多得其力賊膽之寒亦在乎此然已用過七百餘子正  
飭匠作加工速製計每月不過成三百餘顆不足以供  
急需且堡城係泥土所築非磚石壘砌而成屋頂皆平

而四角微低傳泥土極厚礮子落街上穿牆則開花後  
多所轟斃若墜屋頂而已開花則鐵片直下無力或隨  
勢溜落不能奏功以之橫攻堡牆則牆厚三丈礮子不  
能穿透在土中開裂亦不能徹底掀翻故攻堅雖羣推  
此器而用之不能曲盡其妙亦賊之堡屋有以限之此  
地道不能開炸礮不能破之實在情形也臣原擬攻克  
峽口即可放秦渠以渰金積放漢渠以渰各堡乃峽口  
甫得而湘軍已破金積東關移營駐之若圖開放渠水  
則必令湘軍預爲遷避乃可無論兵事有進無退萬無

令其遷避之理設令其遷避引水苟遲久無成臣將何  
詞以自解湘軍既進逼東關則峽口兩渠且宜閉塞來  
源以期安心攻勦而攻堅必損壯士現在各堡寨雖已  
掃除殆盡而各軍將士傷亡實已不少前奉

諭旨仰窺

聖意以用餉多而程功緩無以上對

朝廷臣比宣示諸統將冀各發天良俾得迅速奏功稍  
寬咎責而察看近時每戰必捷而傷亡更多臣若再爲  
峻督恐或冒昧圖功轉致債事大局深爲不便合無仰

懇

皇上天恩稍寬時日冀可從容就緒以慰

慈厯鎖圍已成賊已坐困其間必有機可乘有懈可擊  
精誠所至金石爲開眾志協和何堅不克敢有擁兵觀  
望攻勦不力致失機宜者無論統領營官臣當據實奏  
劾按軍法治罪如臣敢含糊飾顛倒是非並請

皇上明正臣罪以爲不忠者戒所有各戰陣亡之記名  
總兵蕭榮發張祥源陳福堂總兵銜副將李存孝羅道  
德補用副將余萬喜張友德副將銜參將會保元沈漣

清參將王宗譜參將銜遊擊侯華山遊擊銜都司許敬  
德遊擊楊奠山都司蘇兆雲張占魁都司銜守備楊俊  
南守備高先王袁世清洪玉興龍應祥羅勝貴周啟明  
千總彭樹森李顯雲把總王義春蔣貴良袁重倫張學  
珠外委岳學順徐得功軍功劉正新汪耀龍滕家元劉  
煥春均係衝鋒陷陣血戰捐軀應懇

天恩飭部從優議給

卹典以勵軍心謹據實披瀝上陳伏乞

皇太后

皇上聖鑒訓示施行謹

奏同治九年十月二十日

中路護運各軍截剿竄回片

再由平涼城迤北踰固原以抵中衛靈州地境計程九  
百餘里爲通甯夏孔道其間岩谷複沓澗壑幽險回民  
雜居堡寨林立向爲盜賊淵藪自中路官軍進剿金積  
堡陝甘逆回時喉悍黨四出鈔掠妄圖牽綴官軍梗滯  
運道以解金積重圍自平涼以達前敵軍營中間延紮  
三十餘營沿途就屯營之所按程分設轉運局軍裝軍



火軍糧軍餉寒衣棚帳車馱駝相屬於道三十餘營  
按日迎送護解勞費不可殫述而地遠路雜賊馬我步  
時有不及之虞迭據總兵鄧林楓參將馮桂增於滾泉  
刷陽山黃柳防隆德溝長山頭等處護運殺賊周紹濂  
五營魏光燾五營及各營於護運之便隨時搜剿東西  
兩山外來及本地之賊臣之親兵營雕剿靜甯安定之  
賊各州縣防軍士勇雕剿本境隣境之賊每次擒斬或  
數十或百餘名未便逐一陳奏致瀆

宸聰近自各軍圍攻金積陝回自忖長圍將合必致坐

因首逆余彥猷乃謀先時潰圍而走九月十三夜劉錦  
棠徐文秀等戰狀已經正摺陳明其餘黨從漢伯堡竄  
出馬步賊千餘遁眷約千餘於九月二十五日竄及半  
角城李旺堡附近一帶臣檄提督周紹濂所部馳往並  
會同提督李振國總兵屈聖祥各營剿之二十九日賊  
竄距半角之倒洞子周紹濂迎擊之斃賊十餘賊即翻  
山亂竄是夜詎賊竄由倒洞過山溝雨重隨地露宿四  
更後周紹濂率總兵鄒正魁張大雄副將周玉林遊擊  
周崑回目王鑑萬等潛往襲之鄒正魁帶隊先到見四

山野火如螢賊尙酣臥卽斬其巡更賊大呼官軍至矣  
周紹濂等帶隊繼至從火光騰灼處開鎗指擊賊倉卒  
不知所爲有誤入官軍隊伍而死者有伏地亂叩而死  
者有墮落巖谷而死者天明視之屍骸縱橫填塞谷口  
其逃入馬家套者適屈聖祥由紫花一路率隊馳至前  
後來擊漏逸無幾是役斃賊數百奪騾馬八十餘匹官  
軍傷亡二十餘名訊據生賊供稱此股係馬長順率峽  
眷丁三保丁普雲馬永等所帶人眾食乏擬劫糧運帶  
以趨河州也初二日搜山復斃賊百餘賊斬賊首丁三

保餘賊敗匪李匪堡黑陳子一帶山谷駐固原之署平  
慶涇道魏光燾料賊將四竄擬伺其出而殲之殊賊因  
匿不出初八日詢賊繞道竄西山羅家峴魏光燾卽夜  
率副將鄭連拔知縣范廷樸徐澤疇等急起追之五鼓  
齊抵羅家峴賊眾倉皇列隊抗拒官軍兩路奮威衝殺  
斃賊甚多陣斬賊目馬永天明已革山西臬司陳湜督  
所部由間道馳至併力壓剿斃賊無數步賊殲除殆盡  
惟騎賊已經竄過者向會甯靜甯一帶亂竄臣前飭提  
督楊世俊道員李耀南預於安定截之諒難漏網也所

有中路護運各軍會剿竄回復勝情形謹附片陳明伏  
乞

聖鑒謹

奏同治九年十月二十一日

楊世俊迎剿河州竄回獲勝片

再據周開錫稟報九月二十一日河州馬步賊二千餘  
由康家廠水淺處偷渡洮河循馬家河緩駁南犯周開  
錫飭提督楊世俊率馬步五營七成行隊於護餉道安  
定之便確探迎剿楊世俊比派參將周道欽率步隊三

哨赴通安驛扼之親率馬步伏於距馬營盤三十里之打撈池赤沙峴地方以待二十二日賊竄通安驛周道欽督隊擊之賊寡不敵哨官副將向宏猷楊占元死焉周道欽倚牆結方陣以拒自午迄申鎗鏖如雨斃賊頗多賊更番猛撲傷勇丁數十名卒不得過乃向赤沙峴狂奔楊世俊預設伏兵於此賊至伏起斬賊數十賊敗向石川一路楊世俊復督所部卽夜躡追馳五十里二十三日天明抵石川山梁偃仄賊擁擠不前楊世俊督隊蹙之斃賊數十賊眾齊聲陰咒拚死抗拒官軍馬隊

猛衝斃賊五六十名賊勢不支紛紛亂竄楊世俊督隊  
乘勝緊追沿途擒斬悍賊三百餘名奪獲騾馬軍械無  
算餘賊零星四散悉向牛站以西循馬家河原路回巢  
二十四日復飭馬步遍山搜剿六十里俱無賊踪次日  
乃收隊回防共計陣亡勇丁六十餘名受傷百二十餘  
名據生擒悍回馬成有等三十九名供稱此次河州東  
鄉會聚馬步賊約二千二三百人係馬阿渾劉阿渾馬  
二張狼嘴馬三師務卽朵大師務之弟五大頭目所帶  
意在擾秦伏糧遁至金積求援騎賊願往步隊畏怯不

前其馬二張狼嘴兩回目已經官軍陣斬矣訊梟斬之  
所有提督楊世俊迎勦河州竄賊獲勝情形並陣亡哨  
官副將向宏猷楊占元應懇

天恩飭部照

卹以慰忠魂謹附片具

奏伏乞

聖鑒謹

奏同治九年十月二十日

軍機大臣 字寄同治九年十月二十八日奉



上諭左宗棠奏官軍會剿逆匪迭獲勝仗現在合圍金  
積老巢首逆被創並迎剿河州鼠賊獲勝暨中路護運  
各軍會剿竄回情形各摺片覽奏均悉此次北路馬步  
各軍經劉錦棠等督飭進剿奮勇爭先屢挫賊鋒連克  
堅堡殲除逆匪余彥壽等多名首逆馬化澂等被創中  
路雷正綰黃鼎徐文秀等軍剿敗陝甘回匪迭破堡寨  
殲賊逆目鄒麻子丁玉貴等首逆余彥祿亦因傷身斃  
剿辦甚屬出力現在金積堡東面僅存王洪楊明兩堡  
西面僅存大河中州馬家灘四堡餘皆一律掃除各路

官軍復於四面焚營掘壕漸促漸緊自應乘此機勢鼓勇進攻以收搗穴擒渠之效至左宗棠摺內所稱金積堡城高牆厚渠水回環攻堅既多有傷亡地道又未能開掘請寬以時日可冀奏功等語固屬實在情形惟當此賊氛大挫合圍已成總當於慎重之中寓奮迅之意不可稍涉畏難致形鬆勁所有陣亡之總兵蕭榮發張祥源陳福堂總兵銜副將李存孝羅道德副將余萬善張友德副將銜參將曾保元沈連清參將王宗譜參將銜遊擊侯華山遊擊銜都司許敬德遊擊楊興山都司

蘇兆雲張占魁都司銜守備楊俊南守備高先玉袁世  
貴洪玉興龍應祥羅勝貴周啟明千總彭樹森李顯雲  
把總王義春蔣貴良袁重倫張學珠外委岳學順徐得  
功軍功劉正新汪耀龍滕家元劉煥春均著交部從優  
議卹河州回逆偷渡洮河循河南犯經楊世俊等迎剿  
獲勝仍著飭令在防各軍遇賊卽擊毋稍疎懈陣亡之  
副將向宏猷楊占元均著交部照例議卹漢伯堡竄出  
之賊迭經周紹濂等軍分路迎擊擒斬甚多其敗匿李  
旺堡等處者亦經魏光燾追剿陣斬賊目馬永步賊殲

除殆盡惟騎賊已向會甯甯甯紛竄提督楊世俊等安  
定截剿之師能否盡殲醜類官軍糧運最關緊要仍當  
督飭各軍隨時確探雕剿以護運道毋稍疏虞將此由  
六百里諭令知之欽此

湘軍月餉懸欠甚鉅請

飭兩江添協籌解片

再臣前因已故提督劉松山所部老湘全軍餉項欠缺  
雜款無著已於同治七年十一月二十一日奏請

飭催兩江督臣照舊撥解以符定案七年十二月二十

六日奉

上諭劉松山一軍餉銀前經諭令江蘇每月協濟銀六萬兩茲據左宗棠奏稱前撥該軍餉銀合計劉松山現在所部新舊各營每月尚缺額餉一萬五六千兩此外應領帳棚等項雜款更屬無從籌給請仍由江南照舊供支自係實在情形所有該軍月餉着馬新貽丁日昌仿照舊案供支其帳棚車輛米價馬價員弁勇丁卹養等項亦著一併源源解濟毋令缺乏等因欽此當卽恭錄分咨嗣准劉松山迭次牘稱該軍需餉孔亟均經臣隨時咨催在案而江南除月解該軍餉銀六萬兩此外

並未籌解去冬劉松山牘懇會國藩咨商馬新貽允爲  
每月添協銀一萬兩後因李鴻章奉

命入關馬新貽又將此一萬兩移作該軍之用老湘全  
軍額餉自七年十月截至本年五月底懸欠已三十萬  
八千有奇新四營月餉並車價馬棚價卹銀等項懸欠  
又不下數萬兩而本年六月以後之積欠尙不在此數  
內臣疊據劉錦棠牘稱該軍欠餉虛懸實有左支右絀  
之勢臣統籌全局自應量爲通融稍資挹注而臣軍迫  
待之餉日見其減該軍積欠之餉仍屬終懸且近來各

省指撥臣軍協款每月解到者僅及一半而甯夏將軍  
穆圖善原部蘭州甘南各軍西南大臣豫師新募各營  
之餉由西征糧臺墊撥者已二百餘萬兩又蘭州平涼  
慶陽涇如鞏昌賑墾之費前敵各軍採買轉運卹傷犒  
賞之費動需巨款現值金積堡長圍已合請軍請火食  
鹽菜銀者踵至沓來臣營概無以應焦灼萬分提餉於  
西征糧臺而協餉之轉解到臺者不過數萬金轉屆年  
終僅擬爲各軍籌撥一月滿餉尙不知從何設措何有  
餘力分潤湘軍臣維江南財賦之區籌措尙易況曾國

藩曾有與馬新貽添協湘軍月餉萬兩之議合無仰懇  
天恩俯念湘軍攻剿吃緊月餉懸欠甚鉅

飭下新任兩江督臣曾國藩除原解每月六萬兩外將  
添協老湘全軍餉銀一萬兩按月撥解並將歷年欠款  
暨帳棚車輛米價馬價卹養等項銀兩一併迅速籌解  
俾該軍餉精無缺乏之虞得以專意戎行於軍務大有  
裨益理合附片具陳伏乞

聖鑒訓示施行謹

奏同治九年十月二十一日



軍機大臣奉

旨另有旨同日承准軍機大臣十月二十八日知會本日費督奏請

飭兩江迅撥老湘全軍協餉已奉有寄信

諭旨令兩江迅撥矣

軍機大臣 字寄同治九年九月二十三日奉

上諭左宗棠穆圖善奏西路官軍剿匪獲勝一摺甘肅西路回匪分竄鎮番武威各屬經韓廷芝王仁和等帶兵截剿將紅柳窩紅牆兒等處賊匪擊敗柳林湖雙城

堡等處之賊聞風逃竄其阿干鎮附近亦有回匪圍攻民堡復經周惟翔帶隊擊退現在大兵由南路進剿河州逆匪乘西路空虛伺間紛竄肆行搶掠意圖牽我兵力左宗棠穆圖善仍當飭令該處防軍隨時探踪截剿毋任竄突穆圖善另摺奏請帶馬隊馳赴近畿等語現在天津之事業經辦結畿輔兵力足資拱衛該將軍駐紮蘭州籌辦防剿亦關緊要務當與左宗棠隨時會商共維大局所請帶兵來京之處著毋庸議前邊諭左宗棠將成祿一軍應否撤回酌覈奏聞該大臣何以久不

覆奏殊不可解本日據成祿奏現擬拔營西進並請募  
勇撥糧捐辦駝隻籌辦屯田隨帶寶璽出關各摺片該  
提督頓兵日久忽爲此鋪張揚厲之舉事之可行與否  
恐未必能通盤籌畫著左宗棠懷遵疊次諭旨將成祿  
一軍應否撤回並該提督此次所陳各情一併酌覈迅  
速覆奏不得再有遲延成祿摺一件片五件均着鈔給  
左宗棠閱看將此由六百里各諭令知之欽此